



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 JULAI 2022 (JUMAAT)



KEMENTERIAN PERDAGANGAN DALAM NEGERI
DAN HAL EHSANAL PENGGUNA

KERATAN AKHBAR DAN MEDIA ONLINE (KPDNHEP)

8 JULAI 2022 (JUMAAT)



Crackdown on cooking oil offenders

► Firms smuggling, misusing subsidised 1kg packs face licence suspension and RM5m fine while individuals liable to jail terms

■ BY MUHAMMAD YUSRY
newsdesk@thesundaily.com

PETALING JAYA: The Domestic Trade and Consumer Affairs Ministry will suspend the operating licences of businesses found guilty of smuggling and misusing subsidised cooking oil.

This follows 75 such cases recorded between January and June, said its minister Datuk Seri Alexander Nanta Linggi.

He said the ministry has received

236 complaints of smuggling and misuse of controlled goods during the period.

"To curb the issue of entrepreneurs buying subsidised cooking oil in 1kg polybags for their business, we gazetted the Control of Supplies Act. It came into force on Oct 15 last year and all business operators that use cooking oil need to apply for their own scheduled controlled goods permit from the ministry."

Alexander said the ministry is

also advising retailers to limit the sale of 1kg subsidised cooking oil to two or three bags per individual, and to get supplies directly from wholesalers to prevent supply chain disruptions.

"Our enforcement officers will conduct periodic checks on all business operators nationwide to prevent subsidised cooking oil from ending up in the wrong hands.

"We will audit every stage of the cooking oil supply chain and investigate all those suspected of smuggling and misusing subsidised cooking oil, from the manufacturers to the retailers. This includes gathering intelligence in neighbouring countries such as Thailand."

He said individual violators will be charged under the Act and can be

fined up to RM1 million or jailed up to three years, or both. Companies can be fined up to RM3 million.

He added that to make it a more effective deterrent, offenders could also be charged under the Anti-Money Laundering, Anti-Terrorism Financing and Proceeds of Unlawful Activities Act.

"Under this Act, those who are found guilty can be jailed up to 15 years and fined 15 times the amount received from their illegal activities, or RM5 million, whichever is higher."

He also urged consumers who have information on people involved in smuggling or misusing subsidised cooking oil to report the matter to the ministry through www.kpdnhep.gov.my or email e-aduan@kpdnhep.gov.my.

Meanwhile, Federation of Malaysian Consumer Associations CEO Saravanan Thambirajah said some business operators have been sending their workers to retail shops to buy subsidised cooking oil.

"Although there is a higher occurrence of smuggling involving cooking oil compared with business purchases, both are wrong. Cooking oil in polybags are meant for the B40 group, and not for businesses," he said.

KPDNHEP Melaka pantau 200 premis

Jasin: Kementerian Perdagangan Dalam Negeri dan Hal Ehwal Pengguna (KPDNHEP) Melaka memantau kegiatan kira-kira 200 premis peringkat pemborong, pembungkus dan peniaga di negeri itu yang disyaki menyimpan dan menjual minyak paket kepada pihak tertentu.

EXCO Perpaduan, Penerangan, Sumber Manusia dan Hal Ehwal Pengguna negeri, Ngwe Hee Sem, berkata pihaknya tidak akan berkompromi dengan mana-mana premis tidak bertanggungjawab dan mengenakan tindakan kompaun sekiranya didapati terabit dalam penyelewengan minyak bersubsidi itu.

"Saya ingatkan kepada mereka untuk berhenti berbuat demikian, jika kita dapat maklumat dan lakukan serbuan serta menjumpai bukti yang mereka melanggar peraturan, tiada lagi nasihat atau amaran tetapi KPDNHEP akan terus mengambil tindakan kompaun.

"Peniaga juga tidak dibenarkan menjual minyak paket bersubsidi ini secara tempahan kepada pelanggan mereka dan sekiranya ada pihak yang mempunyai maklumat berkaitan aktiviti seumpama ini, hendaklah segera menyalurkan aduan kepada KPDNHEP," katanya kepada media ketika melawat ke Pasar Awam Jasin di sini semalam.

Mengulas lanjut, Hee Sem berkata pihaknya akan terus menjalankan operasi di premis penjualan minyak masak selain restoran dan perniagaan besar yang menggunakan minyak paket bersubsidi.



HEE SEM menjalankan pemantauan minyak masak di Pasar Besar Jasin semalam.

200 premis tempah minyak disiasat

JASIN – Lebih 200 premis di negeri ini berada dalam pemerhatian pihak berkuasa selepas dikesan menerima tempahan minyak masak sehingga menyebabkan bekalan pengguna terjejas.

Pengerusi Jawatankuasa Perpaduan, Penerangan, Tenaga Kerja dan Hal Ehwal Pengguna Melaka, Ngwe Hee Sem berkata, premis yang dipantau melibatkan syarikat pemborong, pembungkusan dan peruncit.

"Kementerian Perdagangan Dalam Negeri dan Hal Ehwal Pengguna (KPDNHEP) negeri

sedang memantau lebih 200 premis dipercayai terlibat dalam penyelewengan minyak masak bersubsidi dengan cara mengambil booking atau tempahan.

"Kegiatan inilah yang menjadi punca bekalan sebulan 1,800 metrik tan minyak masak tidak mencukupi seperti dilaporkan pengguna," katanya ketika ditemui selepas pemantauan di Pasar Besar Jasin di sini semalam.

Mengulas lanjut beliau berkata, minyak masak pekete bersubsidi itu dipercayai dijual secara borong kepada pengusaha

restoran dan warung.

"Selain itu ada juga pemborong yang menjual bekalan minyak masak pekete ini kepada peruncit tidak mempunyai lesen.

"Minyak masak ini sepatutnya dikhaskan untuk kegunaan isi rumah dan bukannya pengusaha restoran atau warung," katanya.

Dalam pada itu, beliau memberitahu, sebanyak 22,174 premis telah diperiksa dalam operasi penguatkuasaan melibatkan semua peringkat iaitu pengilang, pengeluar, pembekal, pemborong serta peruncit di negeri ini.

200 premis seleweng minyak masak subsidi

Melaka: Sebanyak 200 premis di negeri ini berada di bawah pemantauan Kementerian Perdagangan Dalam Negeri dan Hal Ehwal Pengguna (KPDNHEP) selepas disyaki terabit dalam penyelewengan minyak masak bersubsidi termasuk menjualnya untuk tujuan komersial.

Exco Hal Ehwal Pengguna negeri Ngwe Hee Sem berkata, minyak masak pek

ini sepatutnya dijual terus kepada pengguna dan bukannya disimpan sebelum menjualnya kepada pihak lain secara tempahan.

"Dalam pemerhatian KPDNHEP kini terdapat antara 100 hingga 200 premis membabitkan semua lapisan iaitu syarikat pemborong, pembungkus dan peruncit.

"Saya mohon kepada semua premis ini kalau masih

berbuat demikian, berhenti sekarang kerana selepas ini tiada lagi alasan. Sekiranya kita ada bukti, serbuan akan diadakan dan kompaun dikeluarkan," katanya.

Menurutnya, KPDNHEP sama sekali tidak membenarkan bekalan minyak masak pek

berbuat demikian, berhenti sekarang kerana selepas ini tiada lagi alasan. Sekiranya kita ada bukti, serbuan akan diadakan dan kompaun dikeluarkan," katanya.

bersubsidi ini dibeli oleh pihak restoran. Contohnya jika saya peniaga komersial, boleh beli, tetapi daripada segi akta sudah salah.

"Kita memandang serius tindakan peruncit yang mengamalkan *booking* kepada kenalan untuk tujuan komersial mahupun restoran. Jika kita kesan ada terjadi, tindakan akan diambil," katanya.

Dipercayai diseludup ke Thailand, Filipina, Kalimantan

Krisis minyak masak peket

Oleh **MOHAMAD SHOFI MAT
ISA, BADRUL HAFIZAN MAT ISA,
AMRAN MULUP dan
NORUL AKMA MOHD ZAIN**
utusannews@mediamula.com.my

PETALING JAYA: Bekalan minyak masak berpeket dikesan berkurangan di seluruh negara apabila ramai pengguna mengeluh sukar mendapatkannya pada masa ini ketika kebanyakan umat Islam sedang melakukan

persiapan menyambut Hari Raya Aidilfitri, Ahad ini.

Di Melaka, Kementerian Perdagangan Dalam Negeri dan Hal Ehwal Pengguna (KPDN-HEP) cawangan negeri mengenal pasti antara 100 hingga 200 premis pemborong dan peruncit di negeri tersebut didapati tidak menjual minyak masak peket bersubsidi satu kilogram.

Malah, di Felda Jengka 24 dan Felda Sungai Retang di Jerantut

Pahang, kira-kira 4,000 penduduk di situ terputus bekalan minyak masak peket yang telah berlarutan sehingga dua minggu sehingga memaksa mereka membeli minyak berbotol pada harga lebih mahal.

Di Butterworth, Pulau Pinang, kebanyakan pengguna merungut apabila berdepan kesukaran untuk mendapatkan bekalan minyak masak peket yang sering kehabisan stok.

Bercakap kepada *Utusan Malaysia*, Presiden Yayasan Pengguna Negara Malaysia (YPNM), Datuk Mohd. Firdaus Abdullah berkata, kerajaan perlu bertindak segera dengan menubuhkan sebuah jawatankuasa khas untuk melakukan siasatan menyebabkan situasi itu berlaku.

Katanya, jawatankuasa itu bagi mengkaji dan melakukan forensik keseluruhan terhadap semua pemain industri yang ter-

libat termasuk peruncit, pemborong, pengedar, pembungkus dan pengilang.

"Menerusi usaha ini, kerajaan dapat mengenal pasti orang tengah dan sindiket yang memonopoli minyak masak peket satu kilogram serta merosakkan sistem ekonomi dan jaminan keselamatan makanan."

Bersambung di muka 2

Cubaan seludup RM17.4 juta barang bersubsidi gagal

SHAH ALAM - Agensi Penguatkuasaan Maritim Malaysia (Maritim Malaysia) mematahkan cubaan menyeludup pelbagai barangan bersubsidi bernilai RM17.4 juta dalam siri serbuan pada tahun ini bagi tempoh enam bulan sejak Januari.

Ketua Pengarah Maritim Malaysia, Laksamana Maritim Datuk Mohd Zubil Mat Som berkata, bagi tempoh itu, 29 kes telah direkodkan membabitkan 82 tangkapan.

Menurutnya, daripada jumlah itu, 21 orang adalah warga tempatan, Filipina (11 orang), Indonesia (tujuh orang) dan selebihnya lain-lain negara.

"Pelbagai barang bersubsidi telah dirampas iaitu 333,000 liter minyak diesel, 2,650 liter minyak petrol dan 10,626 kilogram (kg) tong gas.

"Turut dirampas adalah 3,732 kg minyak masak, 2,514 kg gula, 3,460 kg tepung serta 40 kg beras," katanya kepada *Sinar Harian* pada Khamis.

Tambahnya, kesemua rampasan bernilai RM17.4 juta ini disiasat di bawah Akta Kawalan Bekalan 1961.

Pada Isnin, kerajaan mengerahkan penguat kuasa Kementerian Perdagangan Dalam Negeri dan Hal Ehwal Pengguna, (KPDNHEP), polis dan Angkatan Tentera Malaysia (ATM) untuk menggempur penyelewengan minyak masak bersubsidi dari peringkat kilang sehingga ke sempadan negara.

Laporan eksklusif *Sinar Harian* pada Rabu mendedahkan minyak masak bersubsidi dari Malaysia dikesan dijual secara berleluasa tanpa kawalan di sekitar pekan Sungai Golok, Thailand.



Maritim Malaysia merampas pelbagai barang bersubsidi yang cuba diseludup sepanjang tempoh tahun ini.

Kilang sorok minyak masak subsidi kena serbu

Seremban: Sebuah kilang memproses makanan di Sikamat di sini, dikesan mengambil kesempatan menyorok minyak masak paket bersubsidi ketika isu kekurangan bekalan bahan berkenaan semakin kritikal.

Susulan risikan dilakukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan, satu serbuan dijalankan di premis berkenaan, semalam.

Ketua Pegawai Penguatkuasa KPDNHEP Negeri Sembilan, Abd Muis Shamsudin berkata, pemeriksaan di premis berkenaan menerusi Ops ATM dan Ops Anti Sorok menemui 612 kilogram minyak masak paket bersubsidi.

"Anggota penguatkuasa kami menjalankan pemeriksaan di sebuah kilang memproses makanan di Sikamat dan menemui sebanyak 612kg minyak masak paket bersubsidi dan 5 tong minyak masak di dalam premis berkenaan.

"Pemeriksaan lanjut mendapati premis itu tidak mempunyai sebarang kebenaran daripada Pegawai Bekalan untuk menyimpan minyak masak," katanya dalam kenyataan,



Anggota penguatkuasa kami menjalankan pemeriksaan di sebuah kilang memproses makanan di Sikamat dan menemui sebanyak 612kg minyak masak paket bersubsidi dan 5 tong minyak masak di dalam premis berkenaan"

Abd Muis Shamsudin

semalam.

Bellau berkata, premis itu disyaki melakukan kesalahan mengikut Akta Kawalan Bekalan 1961 dan kesemua minyak disita untuk tujuan siasatan lanjut.

"Nilai keseluruhan rampasan dianggarkan berjumlah RM1,625," katanya.

Menurutnya, pihaknya akan terus menjalankan operasi seumpama itu bagi membanteras dan menggempur aktiviti menyorok barang kawalan dan memastikan keberadaan bekalan terutama barang makanan sentiasa mencukupi serta mudah diperolehi pengguna pada harga berpatutan.



PENGUAT kuasa KPDNHEP melakukan pemeriksaan menerusi Ops Anti Sorok di sebuah kilang memproses makanan di Sikamat, Seremban.

Kilang selewang minyak masak diserbu

GUA MUSANG - Kementerian Perdagangan Dalam Negeri dan Hal Ehwal Pengguna (KPDNHEP) menyerbu semua kilang pembungkusan minyak masak subsidi di negeri ini.

Berdasarkan hantaran di Facebook KPDNHEP Kelantan, beberapa cawangan di negeri ini 'ligat' menjalankan pemeriksaan pengauditan dan pemutihan di Pasir Mas, Kota Bharu, Machang, Gua Musang serta Tumpat.

Seterusnya penjejakan di peringkat rantai bahan mentah itu bermula dari pembungkusan, pemborong dan peruncit minyak masak sedang dilaksanakan bagi memastikan tidak berlaku ketirisan.

Hasilnya, dua notis arahan dikeluarkan kepada kilang pembungkusan minyak masak bersubsidi di Gua Musang.

Ketua Pegawai Penguat kuasa KPDNHEP Gua Musang, Mohd Koma Shapri berkata, notis dikeluarkan hasil pemeriksaan terhadap pengilang terbabit dan ia bagi mendapatkan maklumat rantai belian serta peng-

edaran minyak masak.

"Dikesan satu kesalahan gagal menyanggah buku stok dan kes disiasat bawah Peraturan 13(1), Peraturan-Peraturan Kawalan Bekalan 1974 terhadap pemborong," katanya.

Sementara di **SEREMBAN**, sebuah kilang memproses makanan dekat Sikamat, diserbu penguat kuasa KPDNHEP Negeri Sembilan selepas disyaki menyorok minyak masak peket bersubsidi.

Ketua Pegawai Penguat kuasa KPDNHEP Negeri Sembilan, Abd Muis Shamsudin berkata, pemeriksaan di premis berkenaan menerusi Ops ATM dan Ops Anti Sorok menemukan sejumlah 612 kilogram (kg) minyak masak peket bersubsidi.

"Premis ini tiada kebenaran untuk menyimpan minyak masak. Iai keseluruhan rampasan dianggarkan berjumlah RM1,625" katanya.

Ujarnya, premis tersebut juga disyaki melakukan kesalahan mengikut Akta Kawalan Bekalan 1961 dan kesemua minyak disita.



ANGGOTA KPDNHEP membuat pemeriksaan minyak masak bersubsidi di peringkat peruncit dan pemborong di Gua Musang.

MINYAK MASAK SUBSIDI

Minta info rantai beli, edar

Oleh Paya Linda Yahya
am@hmetro.com.my

Gua Musang

Dua kilang pembungkusan minyak masak subsidi di daerah ini diminta menyerahkan maklumat rantai belian dan pengedaran minyak masak kepada Kementerian Perdagangan Dalam Negeri dan Hal Ehwal Pengguna (KPDNHEP).

Ketua Pegawai Penguat kuasa KPDNHEP Gua Musang, Mohd Koma Shapii berkata, dua notis arahan terhadap kilang terbabit berkaitan perkara itu dikeluarkan kelmarin, hasil pemeriksaan dijalankan.

"Pada pemeriksaan itu, tindakan diambil terhadap dua pengilang bungkus minyak masak kerana gagal menyelenggara

buku stok barang kawalan di bawah Peraturan-Peraturan Kawalan Bekalan 1974, Akta Kawalan Bekalan 1961.

"Notis dikeluarkan di bawah Seksyen 8, Akta Kawalan Bekalan 1961 itu diserahkan untuk penjelasan lanjut," katanya ketika dihubungi, semalam.

Mohd Koma turut menasihati pengguna tidak membuat pembelian panik dan hanya membeli mengikut keperluan masing-masing.

"Setiap bulan, kuota 100 tan metrik minyak masak bersubsidi diberikan kepada syarikat pengilang dan pembungkusan untuk kegunaan penduduk daerah ini.

"Kami terus menjalankan pemeriksaan di semua peringkat bagi mengelak berlaku ketirisan membabitkan bekalan," katanya.

Senarai Harga Barang Keperluan	
• Ayam	RM8.99
• Daging Lembu Tempatan	RM45.00
• Daging Lembu Import	RM 53.90
• Telur Gred A	RM13.49
• Ikan Kembung	RM12.90
• Minyak Masak	RM6.70
• Gula Pasir	RM2.85
• Bawang Besar Holland	RM2.99
• Bawang Putih	RM5.00
• Cili Merah	RM12.00
• Kubis Bulat Tempatan	RM5.00
• Tepung Gandum	RM2.80

*Harga (RM/kg) Sumber: KPDNHEP